
RAGAD ADVERTENTIE:

Kabar premili: 1 — 30 temboeng f.1. —
Langkoengipoen, saben 10 temboeng oetawi
kirang: f.0.50.

Advertentie limrah: f.0.15 sagaris;
(apes: f.1.25).

Moendoet kapatjak langkoeng saking sa-
pisan, oetawi moendoet dados lengganan,
tépang rembag roemijin kalijan admini-
stratie.

Hoofdredacteur:

D. M. HARDJASOEWANDA

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN

SWARA TAMA

sampoen kalijan regining Soera Katholiek:

1 taoen f.7.50 } njoewoen kabajar
1/2 f.3.75 } roemijin.

Adresipoen Redactie lan Administratie:

XAVERIUS-COLLEGE

MOENTILAN N.I.S.

Drukkerij „Cantius” Djokja.

ISIN IPOEN:

Raad Kabopatèn—Sambet rembag
— Mantja-warna — V. I. O. — Soe-
mambet — Sami kados-poendi —
Nimbangi tetimangan — Njaroe-
djoekaken pamanggih—Padalangan
— Saking Moentilan — Economie —
Ontjèn sekar gambir melati—Oerap-
sari—Panoentoening laré.

PRADJA RAHAJOE.

RAAD KABOPATÈN.

(Sampoen ngantos dados: „non
inggi raad.”)

Kados - poendi badé dadosipoen
Raad Kabopatèn ing Djawi Tengah
ngriki, ingkang saweg riboet dipoen-
adani samangké poenika, kanggé
sakoela namoeng satoenggiling ma-
noengsa bledjeg, boten saged mes-
tekaken titisipon, djer boten kasi-
noengan dradjading kapanditan: sidik
pramana djati, weroeh sadoeroengé
winarah enz.

Nanging nitik glagatipoen ing
oepej - oepejkan pilihan kiesman
doesoen, saha kiesman district, glota-
glaté koela saged ngganta nginten-
kinten badé kados-poendi dadosipoen.
Tjoba koela pilemipoen sasaged
koela.

Sagedipoen njoemerepi grad-gra-
dan nginggil, preloe tijang njoeme-
repi kawontenaning ngandap roemijin
dados tegesipoen sadaja poenika
kedah mawi ANDA. Tanpa ANDA
kita boten saged njoemerepi oetawi
doemoegi ing nginggil. Makaten
oegi ing bab pilihan kanggé ngwon-
tenaken lid-lid Raad Kabopatèn. Koela
wiwiti mawas saking pilihan-pilihan
kiesmannen.

Awon-awon koela étok-étokipoen
inggi kepilih dados kiesman kanggé
doesoen Bm. *) Dus, sampoen ka-
gèt, namoeng kiesman désa, sanès kies-
man kita. Kanggé pamilihan kiesman
doesoen, koela wani tanggel, mesti
wonten lampah ingkang boten apsa-
h; inggi poenika wonten kiezer-kiezer
ingkang anggènipoen milih kiesman,
boten medal saking kadjengipoen
pijambak, nanging sadèrèngipoen
pilihan kiesman, sami dipoenboe-
djoeki (rembag aloes) déning prabot
doesoen. Boten preloe koela doemoek
doesoen poendi, djer namoeng won-
ten satoenggil kalih. Sadaja-sadaja
poenika kedah wonten ingkang uit-
zondering (njabal).

Samondjo-mondjipoen manawi
nama tijang doesoen mesti kirang
pengalaman katimbang ing kita. Sa-
poenika koela ngatoeri kawontenan
ingkang koela soemerepi kala para
kiesmannen ing o.d. Bm. nglempak
wonten ing Assisténan, preloe njer-
at sinten djago-djago ingkang ka-
tjalonaken lid R. K. **) ing stem-
biljet. Kempalan wiwit djam 8 éndjing
(kilap ngrembag poenapa) wonten
Assisténan. Gegajoetan kalijan wa-
djib koela pijambak, koela saweg
saged dateng djam 10.30. Pakem-
palan sampoen rampoeng, kantoen
njerat sinten ingkang badé kadja-
gokaken. Sadaja katingal sami bi-
nggoeng manawi batosipoen makaten:
„Lah énggoné si sapa jah sing dé-
djagok-kena!” Koela namoeng nji-
josi kados-poendi tjara-tjaranipoen
njerat, lan tijang ingkang katjalon-
aken sinten! Kedah medal saking
nijatipoen pijambak, poendi ingkang
dipoensenengi . . .

Taksih deleg-deleg! Woosana
wonten ingkang gerét-gerét njerat
nama-nama ingkang katjalonaken
wonten ing stembiljet. Lah sanès-
ipoen . . . ladjeng katah ingkang
namoeng IDEM BESAR. É, lah
priji iki ta nèh? Batos koela!

Sareng sampoen ladjeng kaklem-
pakaken, tjalon kakintoenaken da-
teng kawedanan ing W. Nglempak-
ipoen para kiesman malih bédjing
16 Juli (kabaripoen) wonten ing
Kawedanan.

*) Proficiat! Red.

**) R. K. = Raad Kabopatèn. L.

Koela sareng ninggali nama-nama
ing stembiljet, radi ngloes dada.
Poenapaa makaten? Djeboel ingkang
sami katjalonaken: Wedono (eerste
prijs poenika), A. W., A. W., lan
wonten sadjimpit ingkang milih go-
longan sanès, oepami goeroe lsp.
Tijang partikoelir boten wonten.
Tijpta koela: „Jèn kabèh onderan
kaja ngono, ki dadiné rak bandjoer
ra ad pjaji, doedoe R. K.” Sareng
sampoen, koela dipoentimbali
ingkang A. W. kakersakaken omong
kosong sakedap. Wosing omongan
mentes oegi; makaten kirang-lang-
koeng:

Nitik ingkang kasawoengaken
sadaja-sadaja sami pjantoen, boten
wonten of sakedik ingkang partikelir.
Toer 90% ingkang katah golongan
B. B. Ingkang makaten koetjiwa
sanget, awit ladjeng boten saged
dados wakil ra'jat sajektos,
gegajoetan kalijan wadjibipoen pi-
jambak. Mestiniipoen ladjeng kados
barang sampiran. Wonten ing zit-
ting mestiniipoen inggi boten saged
ngombar swara kanti mardika, awit
. éngget voorzitteripoen sinten?
Hara, poenapa boten badé kawon
prabawa? Ngèngeti malih anggè-
nipoen dados abdinging Goepermèn,
mangké manawi ngantos . . . (?),
mesti badé angsal . . . (?). Mila
pakéwed. Poenika dèrèng! Mangké
gèk lid Landi (satoenggil) tetapan
saking Goepermèn, inggi B. B. toer
A. R., oetawi R. pisan. Poenapa
boten èwoeh aja?

Sapoenika oepami wonten ingkang
wakil ra'jat temenan, nanging
mesti badé kawon stem, awit ka-
won katah. Sami mawon, alijas
saketi patang bégngol!

Wontenipoen R. K. genah kedah
mawi wragad boten sakedik. Saking
poendi asaling ragad waoe, inggi
saking ngandap, ra'jat kawoela.
Mangka swantening wakil ra'jat
wonten ing R. K. kerep keblengeren
ing soroting sang soerja. Harak na-
ma mbebetjèr arta!

Jèn ningali lid-lidipoen sadaja ing-
kang katah pjantoen (B. B.), kados
boten perloe dipoenwonteni R. K.,
djalaran ing salebetipoen komprènsi
kawedanan oetawi komprènsi Ka-
bopatèn, ingkang dipoenwonteni
Goepermèn pendak woelan sapisan,
kados njekapi; djer wonten ing kom-
prènsi ngrikoe bab lapoeran-lapoer-
an saking ngandap, kabetahan ka-
betahan oetawi kaberatening ra'jat
oegi saged karembag. Koela tjoe-
gag samanten kémawon.

Wiraosan nginggil poenika mila
inggi katah njatanipoen. Tanda jek-
ti A. K. ingkang sampoen wonten
ing Pr. Djawi Kilèn inggi makaten;
ngantos katah ingkang marabi
bilih R. K. poenika boten lija. Soe-
moehoèn Raad, mèmper kémawon!

Nanging jèn dipoenmanah pan-
djang, boten wonten tijang damelan
ingkang wiwitan sakal saged saé,
maremaken, awoh mentes! Koela
gadab kajakinan bilih kawontenan
ingkang makaten waoe, réhné saweg
sapisanan lair, dados inggi mèm-
per jèn dèrèng maremaken. Nanging
bédjing - bédjingipoen samangsa
ra'jat saking sakedik saged ngertos
dateng pigeenanipoen R. K., kawon-
tenan ingkang kados kaseboet nging-
gil poenika, saking kadjengipoen
pijambak badé itjal, moesna saking
panatjadan. Sangkaning sakedik, ba-
dé saged itjal sadaja. Ngantos pa-
raban Soemoehoèn Raad (of Non
Inggi Raad) saged moesna itjal tan-
pa lari. Kantoen moerninipoen. Bab
poenika kénging dipoen-jektosi béd-
jing 20 — 30 taoen malih, mesti
sampoen éwah sanget!

Pranjata R. K. poenika toemrap-
ing ra'jat preloe wontenipoen, djer
pigeenanipoen boten namoeng sa-
pélé kémawon. Kedjawi poenika
swaraning ra'jat preloe dipoenpi-
rengaken, lan kawigatosaken déning
Negari!

Mila sampoen ngantos R. K. poe-
nika dados non inggi Raad. Koela
masa borong.

Taklim:

Lorenz.

„SAMBET-REMBAG.”

Neroesaken.

WAKVEREENIGING. Poenapaing-
kang dipoenwastani „WAKVEREE-
NIGING,” ing nginggil sampoen ka-
tjeta, i. p. pakempalanipoen tijang-
toenggil-pakarjan (vakgenooten).

TOEDJOENIPOEN. Prakawis toe-
djoenipoen, wonten rembag oetawi
pamanggih warni kalih.

A). Wonten ingkang mastani, bi-
lihtoejoening vakvereeniging: ngoe-
di mindak-saening-kawontenan éko-
nomic, ékonominipoen para warga.
Saroedjoek lan toedjoe poenika,
wadjibing vern. mligi ngoedi, soe-
pados pernatana-perdjandjian (ar-
beidsvoorwaarden) kasaekna; ngoedi
soepados kanta baos saged pikan-
toek „medezeggenschap,” liripoen:
ngoedi soepados kaoem-berah ka-
wenangna toemoet ngrembag dados-
ing pradjandjian oetawi kontrak.

Soepados sampoen ngantos ke-
pandjangan theorie ingkang koela
atoeraken, tjobi toeroes kadjodokaken
kémawon kalijan kawontenan sapoe-
nika ing tanah Djawi ngriki; ladjeng
kawawas, poenapa theorie ing nging-
gil poenika wonten damelipoen
wonten ing ngrikinipoen.

„Toemoet ngrembag dadosing
kontrak”. Sampoen klintoe tampi,
kontrak boten kok kontrak Ndèli
makaten, nanging kontrak ateges per-
djandjian, perdjandjianipoen koeli
anggènipoen poeroen njamboet-da-
melaken tijang sanès, kados ingkang
dipoenkadjengaken déning ingkang
mberahaken, lan perdjandjianipoen
ingkang mberahaken anggènipoen
badé njoekeani berahan dateng koeli
poenika waoe, samangsa koeli sam-
poen njamboet-damel, kados ing-
kang dipoenkadjengaken déning
ingkang mberahaken.

Tijang ingkang maspaosaken, soe-
merep, bilih doemoegi samangké
katah-kediking bajaran (berahan)
ratjak boten goemantoeng saking
kanta koeli, nanging saking ingkang
mberahaken. Ingkang mberahaken
anggènipoen mbajar manoe a) pada-
tan, b) manoe katah-kediking tijang
ingkang sami neda oetawi ngoepados
padamelan.

a) Panimbang ingkang mberah-
aken: adaté wong boeroeh matjoel
sekésoek moeng éntoek seketip, dadi
djeneng woos saadilé, jèn sekésoek
nèng nggonkoe ija moeng tanpa
seketip; loewihé saka seketip, ikoe
sabeneré kanoegrahan.

b) Akoe boetoe koeli 10, mangka
sing gelem ana 20; moelané endi
sing sitik déwé pandjaloeké, ija
ndak tanpa.

Rembag a) lan b), ingkang boten
patos lebet panimbangipoen, boten
nggoemoenaken, menawi toeroes nga-
mini panimbang ingkang mberah-
aken kados makaten. Mangka rem-
bag a) lan b) boten kladoek menawi
koela temboengna: noendes wewe-
nanging koeli pinten-pinten. Tjobi
koela doemoekipoen sawatawis.

a) Mendet dedasar saking adat,
adating tijang ndoesoen berah ma-
tjoel, berah matjoel dateng tangga
toenggil doesoen, njengkanipoen,
dateng tangga tangga-doesoen. Poe-
nika adat. — Ingkang berah matjoel
waoe pados ing betah — (inggi sa-
nadjan terkadang namoeng sekedik,
nanging sawantji - wantji wonten) —
dateng panggenanipoen ingkang
mberahaken. Poenika padatan, lo!
Mila wonten kiranging berahan sa-
watawis, ingkang beberah kanti le-
gawaning manah nglampahi pada-
melan, sebab sampoen katjekapan
betahipoen wingi-wingi. Satoenggil.

Wekdaling njamboet-damel, — réh-
né manoe adat, djam poenika ing
doesoen langka-langka, — asring bo-
ten temtoe. Wonten telatipoen sa-
watawis boten dipoenkono - kono
ing mandor; koeli, manah boten
gégé. Salebeting njamboet-damel,
boten dipoenpetjoet; koeli manah
sekétja, boten samar manawi dipoen-
pisoeh-pisoeh. Kalih.

Sadèrèk berah matjoel, sata-klo-
bot, wédang gendis Djawi, adat
pikantoek; ngaso, ngombé wédang

kalijan oedoet, kasambi omong (bab
samboetan, oetawi tangga lsp.) ma-
nah lipoer. Tiga Sampoen;
koela atoeri mewahi pijambak, ing-
kang dangan. Poenika menawi ba-
dé manoe padatan. Sakétjaning
manah, lan njamboet-damel kanti
tentreming raos waoe wonten poen-
di, menawi tijang mlebet kontrakan??

„Koewi padatan ala! akoe moeng
manoe padatan betjiki!” Kasinggi-
an; samanten waoe menawi padatan
saé sampoen wonten; sareng teksh
kedah kadamel! Kados sampoen
tjekap kanggé mapanaken rembag,
bilih padatan boten temtoe kénging
kanggé patokan.

b) Kepandjangan, menawi badé
koela oedari sadjlèntèhpoen. Tje-
kap koela tjekak: wonten ing pa-
nimbang b) koeli dipoenpèpètaken:
milih endi, mati kaliren (mbokma-
nawi „saanak sémah!), apa milih
mrendel, nanging oerip! Lha ing
ngriki dradjading kamanoengan
dipoensoepèkaken babar pisan! Tem-
boeng „ETHIEK—teg. ngélingi dra-
djading kamanoengan” mligi tem-
boeng

„Medezeggenschap” kadjengipoen
dados ngoedi, sampoen ngantos
kanta baos dipoenkat kados maka-
ten; nganjang wawenang, kaoem be-
rah kakéngingna toemoet ngrembag
dadosing perdjandjian njamboet-
damel — Nanging pangodi badé tan-
pa katemahan, menawi tijang ma-
djeng pijambak - pijambak, njang-
nangan sakadjengipoen pijambak-
pijambak. Mila kanta baos kedah
kakampalaken, ladjeng tijang sa-
toenggil atas namaning pakempalan
tépang rembag kalijan ingkang badé
mberahaken, damel kontrak kaanggé
tijang sapakempalan. Menawi sam-
poen ngempal, lan kaoem mberah-
aken boten saged ngoepados baos
sanès, saweg badé gampil nging-
gahaken aosing baos. Mangga di-
poentandangi! Perdjandjian kados
makaten poenika nama, perdjand-
jian - koem poelan oetawi
„COLLECTIE CONTRACT”. —
Doemoegi samanten roemijin. Ming-
goe wingking ngrembag pamanggih
B.

KOEROE SÈTRA.

MANTJA WARNI.

1. Ing Europa lan Amerika saha
ing Azia poenapa déné ing Noesana
ngriki kerep kawatrosaken ing
serat-serat kabar bab tandingan ba-
balan, pados kampioenschap. Roe-
mijin Calcutta sampoen naté ngloe-
roegi Betawi, Australia ngloeroegi
tanah Djawi. Wonten ingkang tan-
dangan langèn, boksen, karosan.
Adjangipoen ing negari Welandi
wonten ing Stadion Amsterdam.
Para tetijang anggènipoen ngale-
mana dateng para kampi ngantos
keladoeken malah wonten ingkang
klèntoe, lajak kémawon serat kabar
Vaticaan ngèsemi, déné ngantos ka-
dos déné mbatara dateng sport.

Gantos tandingan! Mr. Singgi kal-
ijan hadji Salim roemijin sampoen
naté tandingan paben. Wonten malih
pasolajanipoen warga P. S. I. kali-
jan warga pak. Mohammadjah.
Mentas poenika P. Haradap radi
pentelengan kalijan wd. Hoofdredac-
teur Fadjar Asiah. Sinten ingkang
badé songkolan?

Jaarbeurs ing Bandoeng woelan
Juni poenika wonten tandingan ajoe-
ajoenan, boten ajon-ajonan. Ingkang
angsal pris angka 1, mevr. Coever-
den. Poenika ladjeng sineboet Miss
jaarbeurs. Mangké sadèrèk Noesana
gèk badé niroe poenika! Wonten
kabar bédjing peken malem Sema-
rang, badé dipoenwontenaken tan-
dangan ajoe-ajoenan kanggé bangsa
Djawi. Wanita sadjawanipoen tanah
Djawi oegi kénging nglebeti, nanging
kedah kintoen gambaripoen roe-
mijin. Ladjeng wonten commissie ing-
kang badé milih. Ing salebeting
peken malem badé katanding ajoe-
nipoen. Ingkang kapilih ajoe pi-
jambak badé angsal seseboetan
Miss Java poenapa Miss Soematra!

Sinten ingkang badé nglamar? Sin-
ten ingkang badé niroe boekoengan,
rok-rokan, rège-règan . . . ? É, é, é,
djaman kok kemajoe timen!

2. Kawartosaken toewan Stokvis
gegémbong I. S. D. P. roemijin, badé
angadjadi. B. T. tjarijos, toewan
Stokvis poenika satoenggiling We-
landi *) ingkang ngertos terang da-
teng gloetat-gloeting politik Noe-
santara. B. T. sadjakipoen tjotjot
kalijan politiekipoen sang Stokvis.
Poenapa dèrèng ngertos dateng se-
djatosing socialisme? B. T. njambeti.
Tetijang ngrika (negari Welandi)
langkoeng pitados dateng politicus
ingkang dèrèng naté ngambah ngriki.
Poenapa sanadjan ingkang sampoen
terang tanah ngriki, kados sang Sto-
kvis, temtoe langkoeng damel rahajoe
toewin andjoendjoeng tanah ngriki?
Rak kedah ngèngeti ngèlmoenipoen
poenapa, noen! Kosok-wangsoeli-
poen sanadjan dèrèng naté ngambah
ngriki, menawi tradjang toewin
ngèlmoenipoen tresna dateng sesa-
mi-sami, inggi dateng bangsa sanès,
mangangkah adjeng saha rahajoe-
ning sanès, ingkang mawi pambeg
oetami sedjati, oegi boten badé ka-
won kalijan toewan kaseboet.

É, saodara, djengandika sampoen
joeswa, langkoeng prajogi wonten
negari Landi kémawon.

Barata.

Ngleresaken lepat.

Ing Sw.-Tama no. 20 karangan
ingkang asesirah P. P. M. N., C. P. F.
wonten ingkang klèntoe. Boepati
Anèm (Boepati Nglebet) poenika
lepat, leresipoen Boepati Patih (Boe-
pati Nglebet).

B.

V. I. O.

Nalika tanggal 7 Juli Wanasaba
tjabang P. G. H. B. ngawontenaken
parepatan. Kadjawi ngrembag sanès-
sanèsipoen oegi ngrembag rantjangan-
anipoen Dir. O. en E. Rantjangan
waoe badé njoea blandjanipoen
goeroe-goeroe V. I. O. ingkang toe-
lage-nipoen sapoenika f. 100 (satoes
roepijah), badé kadadosaken f. 50.
Déné sababipoen dipoenpenggali,
tetandangipoen toelage kalijan
blandjanipoen kekatahen. Jèn ka-
timbang kalijan blandjanipoen goe-
roe-goeroe Walandi saha toelage-
nipoen.

Poetoesanipoen tjabang boten na-
rimahaken. Kanggé mratélakaken,
ladjeng kintoen tligram dateng Dir.
O. en E. ingkang soeraosipoen njon-
dongi protèsipoen V. B. G. H. B.
dateng Dir. O. en E. prakawis
blandjanipoen V. I. O.

Karsanipoen Dir. O. en E. waoe,
mratanjani bilih aosing goeroe-go-
roe waoe dèrèng wonten ing papan
ingkang samesinipoen, inggi poe-
nika kapenggilingen, mila badé di-
poenlorod. O, dados goeroe-goeroe
poenika samanten poenika anggèn
pandjenengan ngregèni, anggèn pa-
ndjenengan ngaosi. Poenapa sampoen
leres??? Samanten aosing goeroe
V. I. O.

Kinten koela sanadjan dipoenre-
gèni samanten meksa katah ingkang
poeroen toemba. Oedjaripoen ing-
kang nglampahi lotoeng, sèket-sèket
loewoeng, timbang ora olèh oen-
dakan blandja. Beter iets dan niets.
Inggi poenika ingkang badé dados
margining sedy a nglorod dateng
dradjading goeroe-goeroe V. I. O.
ingkang njrambahi goeroe-goeroe
Indija sadaja.

Sinten ingkang kresa njadé mirah,
inggi poenika tampi jatra sakedik.

Prakawis tetandanganing toelage.
Prijaentoen Walandi ingkang sami
namboet karja ing ngriki poenika
sampoen dipensoekani toelage pi-
jambak. Dados desaring blandja
sampoen kapranata, Indiër kalijan
Europeanen sampoen béda. Dados
sampoen mawi regi pijambak-pijam-
bak, mitoroet bangsa lan kasagedan.
Prijaentoen Walandi dipoendados-
aken goeroe ingkang langkoeng
inggi, ladjeng dipoenparingi toelage.
Dados toelage waoe toemandjanipoen

*) Jahoedi. Red.

boten dateng kabangsan lan dasaring kasagedan, nanging padamelan.

Ing ngriki sampoen tjeta mlèsèd-ing panimbang tetandaning toelagè katandling lan agenging blandja.

Aosing prijantoe Indija sapoenika.

a. Kabangsan + Dasaring kasagedan + Padamelan.

1. Indiër + Sekolahen + Padamelan.

2. European + Sekolahen + Padamelan.

Sampoen tjepak.

F. S. H.

SOEMAMBET.

Ing artikel film Indonesia wonten ingkang asoeraks: moendoering tetanènipoen bangsa Indonesia langkoeng-langkoeng toemrapipoen bangsa kita Djawi. Ing ngrikoe dipoenngendikakaken, saged kita andandosi economie kita kanti rantjag, roemijinipoen kita kedah ngadengaken tetanèn kita. Koela badé ngatoeraken ingkang koela soemerepi ing tanah Djawi ngriki kèmanon, sekedik-sekedik kanggé panimbang, sabab kawontenanipoen ing Soematra, Borneo, Celebes, Flores lsp. koela dèrèng tjeta menggah wewatekanipoen, tetijang ngrikoe, panggesanganipoen saben dinten, padatan lan tata-tjara. Menggah ing tanah, pantjèn njata langkoeng djembar-djembar, langkoeng kobèl tinimbang tanah Djawi ngriki.

Menawi kantaia tani (sapérangan ageng kita tjang Djawi poenika bakoenipoen tetanèn) sampoen njakèken tetanènipoen, dèrèng temtoe menawi kawontenaning economie saged saé kanti rantjag; djalaran ngengeti: saking sekedik ingkang kagarap kantaia pribomi, tjatjah djiwa mrijel sanget, saking katahning onderneming-onderneming, andjalari soedanipoen siti ingkang pantjènipoen dipoen-garap tetijang ngriki pijambak.

Bab poenika sadèrèk pangripta inggih sampoen roedjoek. Wonten malih ingkang dados djalaran dèrèng tamtoe kalampahan, malah koela wani matoe, angèl sagedipoen kalampahan. Sadèrèk P. D. damel karangan ingkang aserisrah „Akal toewin kapital” poenika inggih kènging kaanggè katrangan atoe koela waoe. Ratjak kantaia tani poenika rëndèl samboetanipoen: dateng tjang soegih, dateng bank, dateng Tjina lsp. Anggènipoen gadah samboetan warni-warni poenika, sabab saking boten saged angènipoen ngoebengaken pamedal, langkoeng saé koela temboengaken: mrintji pamedal. Sing dakpangan semèné, sing dakanggo njaoer oetang, sandang, ka-loemrahan semèné, sing daktoerahaké semèné, kanggo ndjaga tembé-boeriné oetawa embèn menèh.

Bangsa Djawi menawi katandling kalijan bangsa Tjina oetawi Walandi pantjèn dèrèng njandak, kapital kawon, toer boten soegih akal.

Pamedalipoen kantaia tani koela anggé ratjak setaean sepisan. Bakoenipoen pamedal pantoe. Wonten ingkang djagoeng, sata. Déné palawidja, djanganan, wowohan poenika koela wastani imbet-imbet pamedal. Wonten sawènhing panggenan kantaia tani lampah idjo. Sabab poenapa? Kaojak ing betah. Kanggé kaperloean bakda Sawal, kepeksa ngedalaken wragad katah i. p. kanggé toembas sandangan, wragad kaperloewan wekdal poenika, mertjon. Gabah 1 datjin dipoenregèni f 2 oetawi f 2,50. Bèndjing panèn mangsoelaken. Ingkang mboetjal arta poenika bangsa kaeom kapitalist, inggih poenika bangsa Tjina, pamboetjalipoen ngantos atoesan roepijah. Mangsa panèn gabah saged regi f 4 oetawi f 4,50.

Kantaia tani ingkang pasitènipoen bakoe oetawi kaselingan kataneman sata oepami bawah Wanasaba, bawah Kedoe, menawi mirengaken angsal-angsalipoen anggèné nanem sata, dasar sitinipoen wijar, pantjèn njenengaken, f 500, f 700, f 1000

oetawi langkoeng. Ananging moegi kawoeninganana wragad panggarap siti lan sata katah ingkang njamboet dateng bangsa Tjina. Bèndjing panjadènipoen kapeksa dateng Tjina ingkang dipoenamboeti. Inggih oegi wonten ingkang boten. Dados reginipoen kerep setengah dipoen-gerba.

Menawi pantoenipoen sampoen mantoe, poenapa ladjeng kasimpèn ing loemboeng? Awis sanget ingkang makaten. Kasimpèna inggih namoeng sekedap. Sabab saking pemanggihipoen, pamedal poenika waoe dipoenanggep bati sadaja, mila ladjeng kèmanon katandjakaken, wingking poenika gampil.

Wonten sekedik dipoenteda sekedik (malah sok katah) wonten katah, saja, inggih dipoenteda katah. Kedjawi poenika poen betah ngojak seserangan: paos, sandangan, samboetan, kanggé kalimrahan, i. p. njoembang, kanggé gadah preloe. Dèrèng kanggé kesenengan, kasoe-kan, willoedjengan - willoedjengan. Mila pantoen oetawi wosipoen inggih kepeksa kasadé. Koela soemerep satoenggiling kita kadistrikan, ingkang dados telengipoen panggenan-panggenan ngrikoe, poenika ing mangsa panèn, wos ingkang kaemot ing prah (vrachtauto) katoembas ing bangsa Tjina, saben dintenipoen oedakawis pengaos 2 èwoe oetawi tigang èwoe roepijah. Malah menawi dinten pekenan saged 5 èwoe roepijah. Mangka dangoenipoen kinten-kinten 2 woe-lan. Saben sadatjinipoen wekdal panèn poenika f 5 oetawi f 6 (sapoenika f 7). Saja dangoe saja mindak, poengkasaniipoen katoembas woloeng roepijahan. Menawi wos-wos ing doesoeng kènging kawastanan telas, ing patjinan sampoen karegèkaken f 9 oetawi f 10. Kantaia tani (doesoeng) gentos nempoe dateng patjinan.

Kados sampoen tjepak atoe panimbang koela, ingkang oegi sampoen kaeonengan para maos.

Koela kepeksa natjad malih dateng bangsa koela pijambak anggènipoen kesèd, sok sembrana. Poenapa bangsa sanèsipoen boten makaten? Temtoe wonten ingkang makaten. Tjijang sipat mangoengsa, noen. Temboeng kesèd waoe ngemoe: nriman, liripoen amoeng satjekapipoen, ratjak boten agreng anggaioeh sanginggilipoen. Atoer koela poenika dédè patokan, nanging koela roentoetaken kalijan tetijang ingkang kekiranngan penggaioeh, oeger kendilipoen boten mengkoereb kèmanon sampoen nrimah. Koela inggih boten nglepataken kawontenan mekaten, menawi ngengeti panggesanganipoen kantaia-kantaia padoesoenan ingkang memelas. Ratjakipoen oeger tjepak ingkang kateda saben dinten kalijan anak sèmahipoen, sampoen nama kamoejian. Taksih pinten joeta tjatjhipoen sadèrèk-sadèrèk ingkang makaten poenika. Tjijang-tjijang poenika waoe boten kober ngrembag mardika, mardika, Noesantara boten kaerèh ing prajda sanès; saweg ngrembag pradijanipoen pijambak kèmanon saben dinten sampoen bingoen.

BARATA.

LARASATI.

SAMI KADOS-POENDI?

Koela boten badé ngalang-alangi kantaia koela wanita, ingkang sami wijar djangkahipoen, badé ndjoeng dradjading wanita, sarana ngoepados „pada” lan prijantoe kakoeng; nanging koela anggegi kaantepan koela pijambak, tegesipoen koela njowoeng tleshipoen roemijin „pada karo prija” ing bab poenapa, ingkang sami dipoenker-sakaken para wanita model Moes-taka-wèni poenika.

Sebab makaten ta para Kadang, —samanten waoe menawi boten klintoe:— panggaioeh njamèni prija poenika wonten ing Éropah sam-

poen radi soemabar; soemabar kados soemabaripoen dedasar lan „atèn-atèn” oetawi raos berontakan (revolutionair). Prakawis poenika boten anggoemaken babar pisan, djer pangoeining wanita sami kalijan prija poenika ndèrèk wohing Revolucie ing Frankrijk roemijin.

Mangga koela tjoeplikaken saking program der Duitche Sociaal-democratie (Erfurt 1901). „Partij sosial-demokrasi . . . rok - bandawala . . . ngoedi ilangning pangawoela marang sawidjining golongan lan ngoedi ilangning pilah-lahaning wong, lan ngoedi moerih anaa wewenang lan wadji kang pada kanggo sakabèhing wong, tanpa mawang lanang-wadon, oetawa asal-oesoel”. Seboetipoen ing basa Walandi: De sociaal-democratische partij . . . strijdt . . . voor de afschaffing van klassenheerschappij en der klassen zelf, en voor gelijke rechten en gefijne plichten voor allen, zonder onderscheid van geslacht en van afstamming.

Nama „Duitsch”, boten sah kapaben, awit sanèsipoen namoeng noenggil-misah leres-leres.

Mangga, poenapa „pada” kados makaten poenika, ingkang sami dipoenkersakaken kadang koela wanita?

Moerih gamblangipoen, lan soepados kita anggadahan antjer-antjer, dateng poendi kedah antjas kita, para wanita, inggih Katholieka, inggih-botena, koela atoei menggali lan mawas atoe ing ngandap poenika.

Pendjenengan mbokmenawi sampoen naté mireng, inggih sanadjan saweg nama amat-lamat, kadjengipoen, temboeng: *Vrouwen-emancipatie*. Ingkang dèrèng damang, katjaosan katrangan sekedik. *Vrouwen-emancipatie* poenika tegesipoen, kados ingkang kaogeman ing djaman samangké, kènging katemboengaken makaten: *Loewarè wong wadon saka kaanan, nganti pada diarani oetawi dianggep doeroeng bisa magedèwè, lan loewarè wong wadon saka enggoné diitjak* (Een bevrijding uit een toestand van onmondigheid en onderdrukking).

Vrouwen-emancipatie kados ingkang kelampah ing thi. Éropah bédabéda:

1. Absolute, kadjengipoen: samingning tjang djaler lan èstri ing samoekawis, sanglebet-lan sandjawining gesang bebatihan.

2. Politieke „sami” wonten ing kalanganing politiek oetawi prajda (in het openbaar leven of in den staat).

Sapoenika manawi kadang kita badé dak-soengging, koela atoei milih:

Satoenggal poenapa kalih, poenapa kalih-kalihipoen! Tjekakipoen, menggahing koela pijambak, inggih milih satoenggal poenapa kalih, meksa ngengeti sèkèng koela, kasèkèngan ingkang sampoen kagèndongaken dateng sadaja bangsa wanita. Pramila, asring koela olak-alik wonten telenging sanoebari: Lahija, wong sabangsakoe teka ndjaloe dipadakaké karo prija, gèk sing ndak enggo sebab apa? Apa wong sabangsakoe mengkoni kabèh, kang bisa madakaké wong wadon karo wong lanang? (moenggoeh ing kategoehan toemrap wadag lan aloesè?).

Apatjoekoe bengak-bengok, tjenta-tjenté, ora narimakaké marang enggoné ora dianggep pada? Lahija, arepa noengsang-ndjempalik, nèk pada genah ora bisa; nèk babag, „irib-irib njaketi” kira-kira idaman kang ora mokal katjekelè! Lan bandjoer: arep pada maoe enggonkoe arep moedjoedi kaprijè, apa sing koedoe pada ndak lakoni?

Mila koela manah makaten waoe, sebab koela roemaos pijambak, kedah ndjagi, sampoen ngantos ta wanita koeméwat, kasaripoen: dloedoes-tjolo, waton moenggel: ndjaloe pada!— Kawèkanana sampoen ngan-

ECONOMIE.

Kawroeh ingkang moemetaken . . . kantong, poenika menggah-ing sadèrèk koela Djawi, kawroeh . . . „bisa-njekel-doewit.” Nas, nding! Menawi njepengipoen kawroeh-saged-njepeng-arta, doemoe-gi memetipoen pisan, sad. ngriki katah ingkang tjepet; ingkang béka poenika njepengipoen-arta; ngeti-ngalaken, nanda-jektosaken, toemindak saroejoek lan kawroeh poenika waoe, doemoe-gi sapriki teksih dados pengantos-antos! —Kok sadèrèk ngriki ratjak kènging dipoenwastani boten gadah arta, inggih boten, sanadjan namoeng sekedik. Nanging wonten ing praktijk, theorie: (A — a) — p = A — (a + p), ingkang artosipoen: pamboewang moendak, pametoed adjeg, *tirahan soeda*, ketingalipoen kita dèrèng patosa apil. Lha inggih poenika djalaranipoen koela sadèrèk Djawi, inggih daganga, inggih botena, banda saja dangoe ratjak-ratjak malah saja soeda.

Pamboetjal adjeg, toemraping tijang ingkang poeroeng gesang tjaring pasrawoengan—sapoenika oep: abonnement lan contributie; poenika ingkang katah saja dangoe, saja mindak nggandaelipoen. Dimas C-ordèeka, andak sanès poenika ingkang moeroegaken Djawi Saja roemijin wangsoel dateng djagad nirwana? —Sw.T. saweg anoe mèh kèmanon, inggih margi — (a — p) poenika! V.L.-fonds, ketemag-ketemag margi . . . ? Sadèrèk sanès Katholiek, setali rong-poeloe-lima! doemoe-gi ingkang pakempalanipoen sampoen ageng lan ander-bala pisan.

Kèngetan anggènipoen mangkelaken Zentrgraaf (tjara Timboet: Centengraver!) ing Soer. Handbl., ingkang martosaken, bilih satoenggiling dinten kas departement financiën P.S.I. namoeng gadah arta f 9, ngantos boten saged bajar séwan kantor . . .

Kèngetan Assuransi Bandoeng, kabibarakèn déning Pangerèh, lan sareng kas kabikak déning wees-kamer-agent, namoeng wonten artanipoen roepijah satoenggal lan tangsoelan kalih — makaten Pr. B. — sadaja arta mboedeg?

Kèngetan Mr. Iskak dipoenproses gandèng lan faillissement ing Soeraba-i-a?

Kèngetan pawartos wonten warga Raad-kawoela samboetanipoen paos dipoentjowaken présentie-gelden, ingkang teksih badé katampèn sabakdaning zitting, ingkang saweg

badé toemindak (zitting waoe, ingkang teksih badé toemindak)? Oetawi anggènipoen wonten warga V. R. mendet poersekot?

Prakawis Bank oetawi asuransi oetawi v. L. fonds sami rekaos nama boten dados badjoel! Sampoen limrahipoen laré adèg-adèg-kantep sami babak-boendas! Mangka kita poenika blakanipoen, menggahing ekonomi-sandjawining-grija, mligi saweg laré adèg-adèg-kantep . . . Sapoenika preek . . . ! Sad. Roekti-woeri, Paloepe Darma, Priesterfonds, doemoe-gi S. K. lan Sw. T. sadaja tanggèlan arta. Panggah, prijantoe, mangga sami ta tansah èngèt (koela pijambak samboetan koela rëndèl!): (A-a-p=A-(a+p). Medal mindak, mlebet adjeg, tirahan soeda, terkadang boten tirah!!

Politiek. (Whadoeh!)

Mussolini taoen poenika witjanten (saben dinten witjanten, nanging ingkang badé koela koetip) makaten:

Pradja fascist diakonana jèndoe-wè wateg bisa ndjoendjoeng dradjading kamanoeengsan (ethisch karakter); Pradja iki Katholiek, nanging nomer sidji lan sing perloe déwè enggoné dat fascist. Katholicisme anané moeng nambeli koe-rangané pradja-manoet-enggonkoe-negesi!

(Mangga ta rak kaeo sanget jèn dipoen Walandèkaken déning tjang kaeo. Mila katjaosan Walandini-poen):

„De fascistische Staat eischt, dat ten volle zijn ethisch karakter worde erkend; die Staat is Katholiek, doch ze is fascistisch in de eerste plaats en bovenal, uitsluitend en in zijn diepste wezen (inggih, inggih ta sampoen!—Mangga sinten kèdanan temboeng! Pr.) fascistisch. Het Katholicisme vult onze Staatidee aan . . .”

Weeee, nijat Gallicisme lan Jozefisme, ingkang kalih-kalihipoen (sato enggal ing Frankrijk lan satoenggal ing Oostenrijk) badé ngoewaosaken Pradja ambawahaken Pasamoean Soetji! Moelané di . . . —njowoeng premisi-disontolojéning ingkang Sinoewoen Kangdjeng Santo Bapa!

Èmoet, kadang prijangga, Mussolionisme, Gallicisme lan Jozefisme dipoensohtolojo (veroordeeld), se-bab sami nganggep pradja sanging-giling Pasamoean Soetji!!

Pramila.

tos idam-idaman kita kados kepéngnipoen wanita badé kagoengan rawis (bregos)! Poenika nama kepéngin barang mokal (tegen-natuurlijk). Mokel kelampah, toer jèn kelampahan, mokal tanpa pakèwed, pakèwed ageng sanget; poenapa malih, manawi saèstoe saged kelampah, mokal saged dangoe, djer boten sakodratipoen, boten roedjoek lan kodratipoen.

Liding dongèng: mapanaken selira poenika sakita barang angka satoenggal; tjijang nama mapan, jèn panggenan lan pangkat (dradjad) saroe-djoek. Mila sampoen ngangkanani papan, panggenan, roemijin, nanging mriksanana dradjading selira roemijin.

Panoetoep: Sadèrèk kita wanita ing Djepan sampoen sasat sadjadjar kalijan bangsa prija, djer djalaranipoen inggih wonten; ing ngrika Mr. Dr. sampoen toempeok. Tokio wonten Universiteit-ipoen mligi kanggé wanita, i. p. Nihon Joschi Daigakse H.B.S. èstri wonten 700, lan gymnasium 2; college èstri katah.

A. SWASTI ASTOETILAH.

NIMBANGI „TETIMBANGAN.”

Ing Sw.-Tm. No. 21 ingkang nembé medal poenika pandjene-

nganipoen Mevr. C. Soetjilah-Atma-soedarma maringi tetimbangan toemoedjoe doemateng para prija, soeraosipoen kènging katjekak makaten: Ing sarèhné „prijantoe kaeoeng poenika inggih kagoengan lampah ingkang boten dipoentjotjogi déning bangsa èstri”, oepaminipoen „gadah lampah ngiwa, nilar sèmahipoen, minoem, main lsp.” mila „manawi tjijang èstri kesoepepè dateng lampah saé, gadah tingkah ingkang boten pantes, main, domino lsp.”, poenika ingkang kakoeng „inggih kedah rila sanget”, awit tjijang èstri poenika inggih „nggadahi kekadjengan ingkang mardika toewin boten kènging dipoenoe-pamèkaken batoer toekon”, dados tjekakipoen soeraosipoen saèmper makaten: Pakné Sidin, sarèhné kowé déwè ikoe sok ngédan, moelané bodjomoe nèk mèloe ngédan, ija togra baé! Rak „lanang wèdok pada baé” ta?

Rak inggih makaten ta pangan-dikanipoen Mevrouw? Hm, ngadjak ora omah! Lha rak „ngobong klasa” Mevrouw poenika!

Prakawis ingkang sami main lan minoem, bèndjing kèmanon manawi kober koela gepokipoen. Ing sapoenika kaparenga ngrembag pangan-dikanipoen Mevrouw roemijin.

PANOENTOENING LARÉ.

Sambetipoen Sw. Tm. no. 22.

poenika boten sakedik ginanipoen. Manawi doemoe-gi mangsanipoen laré bawa pijambak, awit sampoen diwasa, tamtoenipoen boten sadaja pikadjenganipoen kapitoeroetan, terkadang malah kerep ketjoe wan, ananging ing sarèhning boten kogoeng, djalaran ing ngadjeng sampoen kerep prihatos, dados manah sampoen atoe boten tansah kalegan, woesanani-poen saged nahan ingkang boten sakèta, sarta boten gampil ketelasan pangadjeng-adjengipoen.

Ngagesang poenika émanipoen tjijang mangoen petang. Temtoe kèmanon asring petaton, sakit, tjoe-wa manahipoen, amargi boten kadoe-moegèng ingkang sinedya. Kasoesahan kirang sakètaning kawontenan poenika dados sandoenging tjijang ge-

sang. Laré ingkang boten tampi didikan anggoelang sabar sarèh, ngampah hawa kanepson, manawi katanan temboeng ingkang boten sakèta, tamtoe saja badé karaos-raos manahipoen, samangsa angsal sesandoengan ingkang koela atoeaken ing ngadjeng waoe. Pramila wadjiing panoe-toen, sampoen ngantos pépèka ing tindak pamboedi dajanipoen, moerih laré-laré sami kadoenoengan manah santosa. Déné laré ingkang boten dipoen-goegoelang moerih manahipoen tegoe, kadoegi nandang sang-sajaning ngagesang, wekasaniipoen asring adamel kawirangan.

Ananging sampoen ngantos klintoe tampi. Sampoen ngantos gadah tindak kados singa nagara, ingkang tampi ajahan saking pradata njapoe pasakitan, tanpa èmoet dateng toedjoenging poekoeman.

Anggoegoelang laré prihatos, poenika sampoen kasamèkaken kalijan

naton manah, agengipoen njetjeng-gring. Laré ingkang pantjèn kedah kaeoeman. Paekoeman inggih kedah katindakaken, sarta nganggè ngemoeti bab lampah adil. Djampi poenika wonten ingkang raosipoen boten ètja, ananging dajanipoen ageng, saged ambèngkas raosing sesakit ingkang adamel risaking badan, sarta ingkang raosipoen ngoengkoeli paiting djampi.

Sarana dongèng-dongèng tjijang sepoeh saged njantosakaken manahing laré, moerih boten saged gampil telas pangadjeng-adjengipoen, samangsa-nipoen njandoengi sangsajaning ngagesang. Tjetrijosan bab gesangipoen tjijang djaman roemijin ingkang kènging kanggé toetoeladan, ing bab santosaning sedya, tegoe ing manah, prawira ing tindak tandoek, kènging kadamel mengkoehaken manahing laré bab tindak dateng kaeoeman. Katah bapa ingkang namoeng mboe-

djoeng moerih anakipoen sami pinter, ananging soepé manawi laré kedah oetami. Ing mangka kaeoeman poenika aosisipoen langkoeng katimbang kapinteran. Sarta malih tjijang pinter ingkang nilar kaeoeman, malah mitoenani ing ngakatah. Landeping pamanahanipoen, sakatahing kapinteranipoen, kanggé mitenah, ngapoési oetawi nandoekaken piawon lan sapanoenggilanipoen. Kapinteran sok boten saged ngedalaken woh, boten kènging kapendit ginanipoen, wangsoel kaeoeman, tatag teteging manah, santosaning boedi wening, tansah kènging kaetjakaken saben dinten.

Wonten tjijang pinter gadah monitor satoenggal. Ing satoenggiling dinten njamboet arta dateng pate-panganipoen tjijang atoes roepijah, sarta tjrijos manawi montoripoen kènging dipoentjeng.

Sareng arta sampoen katampi, la-

djeng mantoe, montor dipoenpoet. Tjijang ingkang njamboeti arta, neda soepados montor katilar, awit kanggé tjepengan. Ananging dipoenwangsoeli kalijan ètja, bilih ing ngadjeng gadah panemboeng njamboet arta, sarta montor kapoerih njepeng, ing sarèhning sampoen angsal arta, sapoenika badé mantoe, manawi ingkang njamboeti arta badé njepeng montoripoen, ing panggenan pajonan poenapa poendi, boten wonten alanganipoen. Ingkang njamboeti arta plenggongan sarta ngawasaken monitor ingkang saja rikat lampahipoen.

Poenapa ginanipoen kapinteran ingkang boten rinangkepan ing kaeoeman. Nagari saja badé betah poelisi katah, samangsa katah tjijang pinter boten oetami.

Pamanggih ingkang mastani, bilih kekerasan sarta kawanteran ingkang toemrap dateng panggoela-wentah, poenika anèlakaken kirang tresna lan

Noewoen, karsanipoen Mevrouw poenika badé njelakaken, poenapa badé nebihaken tijang sesémahan? Saking panginten koela badé njelakaken, namoeng ingkang kapangan-dikakaken kémawon doemawahipoen saged nebihaken. Kléntoe sakedik, badé wawoeh saé, kléntoe pegatan! Boten dados poenapa waton (boten) kagem pijambak! Pardon, Mevrouw en Mijnheer!

Sapoenika koela keparenga ngatoeri tetimbangan doemateng Mevrouw; mbokbilih kersa anggalih. Déné ingkang badé koela atoreraken poenika saking pamanggih koela kados inggih leres. Manawi wonten sadèrèk ingkang karsa ngagem: soekoer bagé sèwoe. Éwadéné manawi wonten ingkang kagoengan pamanggih ingkang langkoeng prajogi, inggih poenika kémawon kagema.

Menggah pamanggih koela ingkang badé koela atoreraken poenika makaten: tijang ingkang soepé dateng lampah saé poenika, inggih djalera inggih éstri: lepat. Lah lepat poenika: inggih lepat! Afge-loopen! Boten kénging dipoentoe-toepi: Ah, dikapakaké manèh, wong lagi lali! wong lagi kena panggodal! Oetawi: Ah wong moeng mainan baé kok! Ah moeng nggandeng wong wédok baé kok! Wis loemrahé enz. Ngaling-alangi lepateng tijang makaten poenika, tjandoekipoen kalijan ingkang karembag ing riki, koela boten mrajogékaken. Déné prajoginipoen tijang lampah kléntoe makaten poenika kadoenoeng-doe-noengna ing lepatipoen saha katedahna ing leresipoen. Lah manawi sampoen roemaos ing lepatipoen saha soemerep leresipoen, lha ing ngrikoe ladjeng mantjoengol karmardikaning pikadjenganipoen manoesga, tegesipoen kénging nindakaken mitoroet pangertosipoen waoe, nanging inggih oegi kénging anilar, mawi-mawi ingkang dados pikadjenganipoen. Lah ingkang nindakaken mitoroet roemaos lan pangertosipoen waoe, inggih ladjeng ngoedi moerih pikantoeipoen pangapoenten doemateng ingkang kandoekan ing lepat waoe, saha saladjengipoen anglampahana ingkang leres. Bab poenika djalera oetawi éstria sami kémawon. Lepatipoen tijang djaler inggih lepat, lepatipoen tijang éstri inggih lepat. Lah djampinipoen inggih sami kémawon: ngroemaosi ing lepatipoen saha njingkir margining lepatwaoe. Inggih ing rikoe doemoenoengipoen éstri gesang sesami-sami kados ingkang kapangandikaken Mevrouw. Lah tjabi tijang sesémahan ingkang sami kersa ndahar djampi ing nginggil waoe rak saged „gesang sam-poerna.”

Taklim koela:
POETRI TJINA.

MOEDA POEROEITA.

NJAROEDJOEKAKEN PAMANGGIH.

Bangsa Europa katah ingkang sami ngoedi bab gending (lagoening manjanjan), déné bangsa koela Djw. tembang.

Tembang poenika wonten roepi-roepi, wonten lagon, gendingan lan sapanoenggilanipoen.

Lagon oetawi tembang poenika wonten kala-mangsaniipoen kénging kanggé nambak oetawi njandet sawatawis dateng manah soesah-sedih, dados saged kanggé njlamoer.

Pamanggih koela (tjekakan) bab lagoe, poenika boten toemoet poenapa-poenapa, ingkang dados wos lan saéning tetemboenganipoen.

Kados déné sapoenika oepami midjil ketoprak, (ning sampoen ngantos prak-prakan marika-mariki lol) makaten:

„Soen tjandrané bendéra Walandi, tengering paloegon, abang, poethi, biroe soe warnané, abang manèh kendel ingadoerit, poethi makna alim, biroe sedya toehoe.

lan sapanoenggilanipoen.

Malih lagoe rété-rété kadamel gendinganipoen laré:

„Tjah di pada.) X 1
taberi matja étoeng.) X 2
soepadya énggal bisa.) X 2
lamoen bisa mbésoek.) X 2
soepadya énggal antoek.) X 2
noegraba tembé mbésoek.) X 1
Tjah di pada.”

lan sapanoenggilanipoen.

Gendinganipoen laré-laré: kowé nggémol apa doek! enz. dipoensan-toeni:

„Kowé arep njang ndi lé,
(nang, doek, oetawi goes)
akoe arep doek, oetawi goes)
kolah méné apa lé,
kolah méné pinter.

lan sapanoenggilanipoen.

Riti-riti.

„Riti-riti kebon radja Sri Wedari, tor dirombeg, tor dirombé,
réta motor mandeg,
dipoeter mlakoe déwé.

enz.

Ingkang makaten poenika jèn katoendoeken kalijan raos saloegoe, tanpa mawi gadah grendjet njat ingkang nlisir, noén inggih sakétja kémawon, boten badé nenangi dateng awon.

Wasana sinten kresa ngladjengaken oetawi amewahi? ” ” ” ”

Blangkong mantalon.

Wétan Bengawan.

PADALANGAN.

Nalika dinten malem Minggué tg. 22/23 Juni 1929 ing kamar bolah Andépraja, wonten tingalan ringgit poerwa, ingkang djoemeneng ngasta dalang goeroe padalangan ing Solo, Radèn Ngebei Doetadilaga, mawi lampahan Wisnoengkara. Kadjawi poenika kadjenengan Lebdatjaritan, i. p. gegémbonging cursus waoe. Déné noén jaga mèh sadaja bektan saking Solo.

Sasampoenipoen rampoeng sesorahipoen Mr. Soejojé ladjeng kasambetan Doetadilaga, angandarakaken prakawis wontening ringgit poerwa, kagandeng kalijan kawontenan ing djaman sapoenika saged gatoek. Para poedjangga Djawi sampoen sami njomerepi, bilih ringgit poerwa poenika déné jasan Djawi, nanging jasan Hindoe. Boeda: dadosipoen kagoenan Djawi sampoen kabesoet aloes sanget, kagandengaken kalijan kawroeh gending, gending (tembang), djoged, tjitra lan tatabasa. Sadaja waoe amengko pikadjengan pijambak-pijambak, angrasoek salaras kalijan karsanipoen ingkang Maha Wisésa. Sigeg, keplok.

Para prijantoe ingkang sami mirsani djedjel katah sanget, ngantos kirang papan kagoeng poetri, ngadjeng wingking kebak. Poenapa malih ing djawi panggènan staan-plaatsen sami oejel-oejelan, inggih kedah-kedahipoen kepéngin soemerep.

Nanging sareng djam ± 12 daloe ingkang ningali soedanipoen langkoeng saking sepalih; djam 3 daloe kantoen ingkang sami lenggah lèsehan; djam 4 éndjing kantoen ingkang sami badé ngemataken pasapanipoen, tjaranipoen bal-balan anggénipoen njekiet (schieten); djam 5—6 kantoen para gegémbong, para poedjangga miwah para sepoeh.

Menggah prakawis padalangan ingkang pantes kita pèngeti, manoe raos woetjalan Habiranda:

1. bab tjitra, manawi ngrengga ringgit, oepami ngrengga (njandra) Doersasana, moenggoeh sanget.

2. bab ketjrek saged gesang ngetjek koemritjik, toer manawi kanggé ngetjrek, soewantenipoen boten ambrebegi, malah damel ngengreng.

3. bab lampahing paredèn kanggé pratanda minangka gantosing tjarijos katingal saé toer semoea.

4. bab nglampahaken kapal, manawi pinoedjoe tinoempakan, matman sanget; katingal manawi poenika ingkang dipoeninginaken.

5. bab soeloek, lagoenipoen sanès kalijan woelangan Habiranda; nanging poenika nama saé toer moenggoeh kalijan ngesing penaboeh gangsa.

Sapoenika prakawis ingkang njimpang kalijan woelangan Habiranda:

1. bab pangringgitipoen sadaloe tanpa nges, liripoen tanpa raos, ingkang saged mranani para penonton. Mangka sadaja ngadjeng-adjeng mesti badé wonten tjitrijosan ingkang mawi raos lebet, ingkang tjendoek kalijan sesorahipoen ing ngadjeng.

2. prakawis sabetan, boten saged amaremaken, awit kirang greget-saoetipoen, toemrap sadaja perangan.

3. lampahing poetri toewin bambang kirang pasadja, ngantos katingal déjok, andjalari kirang moenggoeh.

4. bab potjapan mèh boten wonten bédanipoen, andjalari kirang manoeakma.

5. lampahing ringgit katah ingkang tanpa mawang pasiten sami kinggilen, katingal kados maboer.

6. Sareng bangoen éndjing sadaja lampah toewin potjapan, poenapa malih perangan sami sarwa tjekak, manoe poenapa saperloenipoen, awit mboedjeng wekdal kasalak telas.

7. tandjebing paredèn manawi pinoedjoe ing tengah kelir, manggénipoen mesti nish mangiwa, boten tengah leres. (Bokmanawi wonten tegesipoen).

8. panoetoeing kotak mawi tjempala keseron, ngantos kala-kala wonten kanda ingkang kasarengan panoetoeing tjempala, boten saged mireng babar pisan.

9. potjapaning ringgit satoenggal lan satoenggalipoen asring boten mawi pratanda „drèdèk” oetawi „tjretjrek,” mangka soewantenipoen ringgit kalih ingkang saweg potjapan djoemboeh, toer ingkang kapotjapaken asring boten kademèk oetawi kaébahaken tanganipoen; dados anggénipoen ambedakaken namoeng saking soeraosing rembag.

10. kirang tjoejtje, andjalari boten saged narik manahing penonton.

11. salebeting kanda, kawedalaken ngawan-wanda ngawan-wanda, boten merdoeli poen kawan-wanda waoe dèrèng anggadahi teges; poenika damel tjoeja ingkang mirengaken, awit boten manoe.

12. soewantening gangsa kirang regeng; pelokipoen babar pisan boten kesrambah.

13. pakeming padalangan Habiranda njebataken boten kénging njemoni ingkang sami lenggah ing ngrikoe, sanadjan njataa pisan. (Prakawis njengker si Kédjoe).

Ing wasana nalika woelangan Habiranda dd. 8/9 Juli 1929 para siswa sami nglempak wonten ing ngarsanipoen kiji goeroe, angandarakaken pemanggihipoen pijambak-pijambak.

Prakawis ringgitan ing Andépraja, agegaran woelangan ingkang sampoen katampi.

Wondéné empoening Habiranda i. p. R. M. Djoedipoera paring wasana oegi sairib kados ing nginggil, nanging dipoentambahi pangandika kalijan wantos-wantos sanget, bilih pandjenenganipoen **boten natjad, boten njéda** (ngritik) babar pisan dateng kawontenan waoe; **mila sampoen ngantos klintoé tampi**; réhipoen kiji Goeroe dipoensowoeni priksa ing siswanipoen, dados inggih kedah barès poenapa sawontenipoen. Bab poenika sampoen ngantos kesoepon, bilih wonten babasan: „**angger désa mawa tjara**”, liripoen sadaja manoe tjara lan raosipoen pijambak-pijambak.

Manawi saking pandoeji koela pijambak, saréhning ngrembag kagoenan kita Djawi, sami dipoengangkaha babagan poenika saja mindak saenipoen.

Boten langkoeng bab réka-dajanipoen mangsi borong para poedjangga Djawi.

Njoeuoen pangapoenten.
Koela siswa Habiranda.
L. Jadiran.



VARIA.

SAKING MOENTILAN.

Pindahan.

Growahing manahipoen prijantoe Moentilan margi katilar pindah pandjenenganipoen R. M. Dokter Gandasoemina dèrèng poelih, kasalak imbèt malih margi tinilar pindah R. M. Djajaéndra goeroe Normaalschool.

R. M. Dokter Gandasoemina saétoe katah lababatanipoen dateng gotrah Moentilan, gotèking ngakatah pantes sineboet koesoema ambeg oetama, darmawan ing boedi.

Samanten oegi pandjenenganipoen R. M. Djajaéndra, wonten salebeting djagad pasrawoengan ing Moentilan asmanipoen saklangkoeng kongas anggadana wangi. Pandjenenganipoen ambeg balatèr ing panggalih, saged ngempali ingkang nginggil, poenapa déné saged toewin kersa angrangkoel golongan ingkang andap.

Mila, pindahipoen R. M. Djajaéndra toemrap gotrah Moentilan saétoe kados kètjalan moestika ingkang boten sakedik reginipoen.

Oepami wenaga makaten, temtoe dipoen-gondeli. Nanging kados-poendi malih tijang anggénipoen pindah dateng Mulo Ngajodja waoe sampoen dados karsanipoen pijambak: lintonan kalijan pandjenenganipoen R. J. Darma Atmadja ingkang pantjénipoen kinasakaken dados goeroe Mulo wonten Ngajodja.

Boten namoeng pasrawoengan Moentilan kémawon ingkang roemaos kètjalan kabekta saking pindahipoen R. M. Djajaéndra waoe.

Toemrap pamoelangan Normaalschool Moentilan inggih kados kètjalan daja ingkang boten sakedik kekijatanipoen. Toemrap redactie Sw. Tj. inggih kados kontjatan prijantoe ingkang boten sakedik anggénipoen soeka pitoeloengan amrih saéning taman Sw. T. Semanten oegi toemrapping pakempalan-pakempalan ing Moentilan dipoentilar pindah R. M. Djajaéndra waoe kados kètjalan obor ingkang boten sakedik padanging oeroebipoen.

Wasana sadaja golongan ingkang roemaos kasrambahan bérboedining panggalih, poenapa déné katjakan genging daja kakijatanipoen, sami memoedji moegi widada tanpa sakara-kara ingkang pinanggih. Pangadjabipoen rintèn daloe moegi-moegi wonten Ngajodjakarta waoe pandjenenganipoen saged njandoeng tjapaka sawakoel, djinangkoenga déning Ingkang Moerbèng Toewoeh.

Katjarijos, saking ada-adanipoen Kolèktoer ing Moentilan, kala tanggal 13 Djoeli wantji djam sanga sonten doemoegi djam kalih welas, ing dalem Wahjasoedibjan wonten papanggihing kanggé amèngeti pindahipoen R. M. Djajaéndra mawi bodjana soeka andrawina.

Ingkang anggegengaken papanggihing waoe wonten prijantoe pin-teng dasanan saking golongan de-

ONTJÈN SEKAR GAMBR MELATI.

Toeladanipoen koesoema Wétanan.

Karadjan Mongmit, doemoenoeng wonten tepis iringipoen tanah Sijem. Ratoenipoen adjoedjoeloe praboe Sawbaw.

Sang praboe sanadjan kalebet modern, anggèngni anggénipoen dados koesoema Wétanan. Prakawis poenika tètela wonten lalampahan ing ngandap poenika.

Sang praboe kagoengan poetra kagoeng satoenggal sekolah wonten gymnasium Framlingham. Bèndjing taon ngadjeng badé neroesaken sinaoe wonten pamoelangan loehoer Cambridge (Inggris), sarta inggih dipoenilani ingkang rama. Gagoetjan kalijan anggénipoen ngilani poetraniipoen neroesaken sinaoe wonten pamoelangan loehoer waoe, sang praboe naté kawedal pangandikanipoen makaten: „Anakkoe ija dakilani neroesaké sakolah. Nanging sadoeroengé toemapak, dakon moelih disik nem sasi, arep dakisèni piwoeloe. Kadjaba koewi dèwèké ija koedoe gonah karo bakal kawoelané. Babar pisan dèwèké ora kena kelalèn jèn trah Shah; akoe wong Burmees, ora lila jèn anakkoé bakal dadi wong Inggris tiron.” (.. Mij zoon mag nooit vergeten dat hij een Shah is; ik ben een Burmees en ik wil niet dat mijn zoon een nage-maakte Engelschman zou worden.)

Para maos! Ing tanah Djawi ngriki kerep kémawon wonten lagéjan **komalanda-landa!** Oeger saged saniet kalih niet, roemaosipoen sampoen Welandi. Sabrèbèt doerèn kados boten ngroemaosi jèn pijambakipoen poenika rah Djawi; boten ngroemaosi jèn prèdjenganing badan, kados sakola pandjenengan. Semoenipoen inggih boten ngroemaosi bilih koelipoen inggih nembaga kados pak Soeta. Satanaga-tananganipoen ingkang dipoentembak tjara Éropa.

Lagéjan kados makaten poenika ing djagad Djawi pantjèn wonten, toer inggih boten sakedik.

Kaseboet ing Isteri naté wonten artikel njantolani tindakipoen para terpeladjar ingkang irib-iriban kalijan atoe koela ing nginggil. Isteri boten seneng manawi para intelektueelen nganggekaken lagéjan makaten waoe. Boten seneng manawi anggénipoen sami saged tjara Walandi dipoenanggé pawitan oemoek, njapèlèkaken, ngepak! Sengit manawi kasagedanipoen tjara Walandi dipoenaboehi nilar Djawinipoen.

Isteri anggadahi pamanggih: Wétan wonten ingkang awon, Kilèn wonten ingkang boten saé. Djagad Kilèn wonten ingkang bregas, djagad Wétan inggih wonten ingkang pantes dipoenleleri. Mila, sakalih-kalihipoen kedah dipoenpitati, ingkang saé ladjeng dipoenanggé! Dados sampoen kok ambrengkolo: doepèh made in Europa ladjeng temtoe saé, matoek kaanggé wonten djagad Wétanan.

Pamanggihipoen Isteri pantjèn leres!

Ing Soerabaja sadèrèk, sampoen naté wonten lalampahan studenten Nias dansah kalijan wanita C. B. Z. Toer anggénipoen djèsbènan waoe wonten salebeting pista!

Prija kalijan wanita Indonesia sami anggadajret djingklik-djingklik poenika boten namoeng kalamph wonten kalanganing para anèm kémawon. Ing Poerwadadi (bawah Semarang) mandar kalamph prijantoe-prijantoe (oegi B. B. ambtenaren) anindakaken tjara makaten waoe, Pandjenengan sami mangertos, tajoeban poenika sampoen kalebet boten saé. Tajoeban raos-raosipoen sami badé dipoenkoebor, nanging kok djeboel badé ginantos dansah!

Wonten prijantoe poetri trahing koesoema, karem dansah, kawedal pangandikanipoen makaten: „Akoe jèn dansah angoer karo wong Landa. Nèk karo wong Djawa moendak isih kètòk wong! Balik karo Landa mono! ... dadi wis djara-gan!” Ing ngriki pandjenengan ladjeng saged ngoengkabi pagedonganing prijantoe remen dansah waoe! Pangandika makaten angemoet teges: dansah poenika **temenipoen** amimirangi kasoesilan Wétanan Hem! ..

Gligabipoen boten namoeng mandeg samanten kémawon anggénipoen tijang ngriki kédanan *beschaving**) Éropa. Poenapa boten makaten?? Kadosta: ing Semarang kala wonten peken malem nembé poenika dipoenadani *schoonheidsconcours*, alijas *concours endah-éndahan warni*. Ingkang kénging nglebeti: wanita Wétanan! Begdjanipoen déné satoenggal kémawon boten wonten ingkang poeroen dados tontonan oetawi sawangan! Margi makaten waoe bèndjing peken malem malih badé dipoenwonteni *concours* makaten waoe, nanging terboeka boeat perempeoan dari *segala bangsa!*

Para maos, pandjenengan temtoe saged anggapagi, **anggénipoen ngadani schoonheidsconcours** waoe sampoen angantawisi bilih tetijang ngriki (boten sadaja) saétoe sampoen mendem tjara Éropa. Nanging jèn dipoendoemoek wonten ingkang saged mangsoeli: „Sing mangkono maoe wong dakanggo *ngiksamen* bangsa kéné njata wis ilang kasoesilané apa doeroeng. Saiki ora ana sidji baé sing ngleboni, dadi tètela wong kéné isih setya karo kasoesilané dèwèl!”

Hem,
... Tempo doeloe dan tempo sekarang,

Terdapat banjak perbedaan,
Orang bilang, ini djaman, djaman *kemadjoean*, ...

Tetapi sabatoelnja djaman *ke-moenderan* ... Makaten tjarijosipoen satoenggingl acteuripoen Miss Inten Opera.

Tetemoengan makaten waoe pantjèn leres sanget!

Awis ingkang saged anggadahi kaantepan kados sang praboe Sawbaw kaseboet nginggil: „Ik wil niet dat mijn zoon een nage-maakte Engelschman zal worden.”

Awis ingkang djawi-nglebetipoen poeroen moengel: „Akoe emoh dadi Landa tiron!”

Pandang Wangi 14 Djoeli.
Taklim: Patjar Mérah.

*) „Poenapa keladoekaning (excessen van de) beschaving? Red.

partement pinten-pinten, kalebet pandjenenganipoen Ingkang Wadana sarta para agoeng ing Moentilan sadaja.

Pandjenenganipoen Schoolpziener mahjakaken panggalihanipoen asoeranos:

a. Papanggihing ing daloe poenika mligi katoer R. M. Djajaéndra, amrandani genging karokoenanipoen para prijantoe ing Moentilan. Pandjenenganipoen kagoengan pangadjeng-adjeng moegi-moegi karokoenan waoe saged lana, soekoer bagé sèwoe saged saja soepket.

b. Wasana pandjenenganipoen ngatoeraken soeoging tindak atas para prijantoe sadaja (.. .. soerak mawoerahan, sadaja sami ngoendjoek anggoer kagem widadanipoen ingkang badé pindah)

Pandjenenganipoen R. M. Djajaéndra ngatoeraken genging panoe-woen. Pangandikanipoen seret, pedot-pedot, mèh boten saged doemoegi, angantawisi sapinten awratipoen nilar Moentilan poenika.

Bakda poenika Ingkang Wedana medar pangandika: a. Maringi pirsu bilih R. M. Dokter Gandasoemina ingkang sapoenika wonten Bogor mahjakaken genging panoe-woenipoen toemrap tanda pangèngtèng ingkang katoer pandjenenganipoen saking prijantoe-prijantoe Moentilan. Wonten ngriki pandjenenganipoen boten kraos, séwan tilem awis, prakawis dahar inggih awis. (Anggénipoen pangèngtèng waoe kakintoenaken medal pos margi ri-

kala wonten Moentilan R. M. Ganda boten karsa dipoenatoeri dateng kawedanan perloe dipoenwiwaha sapantesipoen). b. Oeroenan saking prijantoe Moentilan kanggé asoeng pangèngtèng-et dateng R. M. Ganda pikantoe f 134.75, kanggé toembas barang awoedjoed sèndok salaka pangaos f 133.60. Tirahipoen kanggé ragading pangintoe kémawon taksih kirang, ingkang andjangkepi pandjenenganipoen Wadana. c. Gandèng kalijan prakawis karokoenan ing Moentilan kados pangandikanipoen Sch. Opziener ing nginggil, pandjenenganipoen Ingkang Wadana amaringaken panggalihanipoen poenapa boten prajogi manawi ing Moentilan dipoenwonteni soos. ... Para prijantoe ingkang wonten ngrikoe ratjak sami najogiani, sarta badé anggesangaken *Sasana Soeka* ingkang sampoen djenat. ... Ing daloe poenika oegi ing ngriki dipoenwonteni panitya soos dipoen-pangarsani pandjenenganipoen dokter énggal R. Abdoelrahman. Ingkang dados panitranipoen: M. Hardjawardaja goeroe Norm. School, déné pangroekti artanipoen: Kolèktoer Moentilan. ... (Para prijantoe andoemoegékaken anggénipoen mangoen soeka, ... Siswa *Habiranda* kakalih M. B. Hardjawardaja kalijan M. Dirdjasoesiswa sami anggegengaken papanggihing waoe sarana angel-dali soeloek-soeloek toewin potjapan-potjapan ing salebeting padalangan).

DJOEROE MENGETI.

NGATOERI OENINGA!

Kala 6/7 '29 Anak
koela Bartolomeus Har-
djanta kaparingan adi
djaler, koela namakaken:
Antonius Harjata

Matapitanipoen
REKSAATMADJA.

PAKOLÈH TOER LOEWESAN
SAË TOEWIN AWÈT
INGGIH NAMOENG
MERK GAZELLE
INGKANG AWOEDJOED
ALCYON }
DUNLOP } RIJWIELEN
R. I. W.

Nitjil kénging! — Kentjèng soekoer!

GAZELLE HUIS — ROEMAH GIDANG
MALIOBORO — DJOKJA — TELF. 508.

KALAU BELI OBAT - OBAT

DJOKJA

memang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO „RATHKAMP” MALIOBORO

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA „RATHKAMP” DJOKJA

tanggoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

TOKO H. SPIEGEL MALIOBORO 17
DJOCJA.

MAGAZIJN VAN
LUXE- en HUISHOUDELIJKE
ARTIKELEN

KINDERWAGENS — SPORTKARREN
KINDERSPEELGOED

THEESERVIEZEN, 16 deelig f 5,75
GASOLINE - LAMPEN f 12,50

WIDADANING
PRIESTERFONDS

nedahaken bilih kita mangertos
dateng wadjib lan sesanggèn
kita pijambak.

HEEL DE ARCHIPEL LEEST
DE KOERIER

Eenig R. K. Dagblad
in Ned. Indie

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat POTONGAN.

Baroe terbit:
PELADJARAN MEMEGANG BOEKOE DAGANG
Karangan GOUVTS ACCOUNTANTDIENST
dikeloearkan oléh:
BALAI POESTAKA — WELTEVREDEN.

Kitab ini baik sekali oentoe peladjaran bagi saudagar - sau-
dagar ketjil. Tjontoh-tjontohnja lengkap dan terang; keterangan-
keterangannja moedah dipahamkan, semoea diambil dari kedja-
dian jang sebenar-benarnja.

Harganja soedah tentoe moerah sebagaimana segala boekoe
keloearan Balai Poestaka, jaitoe f 0,80.

BATJALAH SOERAT BERKALA „SRI POESTAKA”
(1× seboelan) DAN „PANDJI POESTAKA” (2× seminggoe).
MINTALAH DAFTAR KITAB-KITAB!

DJAMNJA HARI ACHAD DI SEMENTARA TEMPAT ADA KOERBAN MISSA.									
Ambarawa	6.30 - 8.30.	Lamah	5.30 - 6 - 8.	Pekalongan ³⁾	7.30.	Soerabaja:			
Amboina	7.30.	Lawang ⁵⁾	7.	Pemalang ³⁾	7.30.	Kepandjèn	6 - 7 - 9.		
Bagan Siapi-api	7.30.	Madison	6 - 7.30.	Pemangkat	8.30.	Anita Boul.	6 - 7.30 - 9.		
Bandoeng	6 - 7.30 - 9.	Magelang	7 - 9.	Poerwokerto	7.30.	Soerakarta	6 - 7 - 8.30.		
Benkoelen	7.30 - 9.	Makassar	6 - 7.30.	Poerworedjo	7 - 8.30.	Tandjoeng Balai	7.30.		
Blitar	7.30.	Malang	6 - 7.15 - 8.30.	Pontianak	7 - 8.30.	Tandjoeng Karang	8.		
Buitenzorg	6 - 8.	Manado	6 - 7.30.	Probolinggo	7.30.	Tandjoeng Sakti	7.30.		
Cheribon	7.30.	Medan	6.30 - 8 - 8.30 (tjina).	Salatiga	7.30.	Tara - Tara	7.30.		
Djember	7.30.		9.30 (mal.).	Sambas	6 - 8.30.	Tegal	7.30 - 9.30.		
Djokja:		Medari ⁶⁾	7.30.	Sambong	8.	Tering	7.		
Kampementstraat	Eur. 7 - 9.	Meester Corn.	7 - 9.	Sawah Loento	7 - 8.30.	Tjilatjap ⁸⁾	7.30.		
Kota Baroe	6 - 7.30.	Mendoet	6 - 7.30.	Sedajoe	7.	Tjimahi	6 - 8.		
Djombang ¹⁾	7.30.	Modjokerto	6 - 8.	Sedjiram	5.45 - 8.30.	Tomohon	7 - 8 - 9.		
Fort de Kock	7.30.	Moentilan	5 - 6 - 8.	Semarang:		Wates ⁷⁾	7.		
Gandjoeran ²⁾	7.	Muntok	8.	Gedangan	7 - 9.	Weltevreden:			
Gombong ³⁾	7.30.	Ngawi ⁷⁾	7.30.	Bangkong	6.30 - 8.	Waterlooplein	5.45 - 7 - 9.		
Keboemen ⁴⁾	7.30.	Padang	7 - 8.15 - 9 (tjinal).	Tjandi	7.	Kramat	6 - 8 - 9 (mal.).		
Kediri	7.30.	Padang Pandjang	7.30.	Randoesari	7.	Wonosobo ⁸⁾	7.30.		
Klatèn	7.30.	Pajakoembo	7.30.	Singkawang	6.30 - 9.	Woloan	8.30.		
Koeta Radja	6.30 - 8.	Palemang	7 - 9.	Soekaboemi	6 - 7.30.				
		Paseroean ¹⁾	7.30.						

¹⁾ 1e. Achad. ³⁾ 2e. Achad. ⁵⁾ 1e., 2e., 4e. Achad. ⁷⁾ 3e. Achad.
²⁾ 1e. + 3e. Achad. ⁴⁾ 1e. Achad tiap² doea boelan. ⁶⁾ 2e., 4e. Achad. ⁸⁾ 4e. Achad.

OERAP-SARI.

KABAR KATHOLIEK.
Processie Kalibawang.

Si Honon martosaken:

Nalika dinten Ngahad tanggal kaping 14 Juli poenika ing Promasan (Kalibawang) wonten arak-arakan miwaha Sakramèn Maha Soetji, ingkang kaping tiganipoen, saking sekolahan (Grédja) doemoegi goewa Sendang-Sana. (Goewa jasan katoer Dèwi Marjah, kaemba goewa ing Lourdes). Tebihing margi sapal langkoeng sakedik. Katah para tamoe ingkang merlokaken rawoeh: Padoeka rama Pastoor Madlener (Aalmoezenier), para Onder-officier lan Commissaris Veldpolitie, sami saking Magelang, Rama Pastoor lan Broeder saking Moentilan, Juffrouw Mendoet lan Boroboedoer, Goeroe-goeroe, malah pandjenenganipoen ingkang Ass. Wedana Kalibawang saha Mantri politie oegi rawoeh.

Kirang langkoeng djam satengah sadasa Processie wiwit. Ingkang ndèrèk ± 1200. Doemoegi Sendang-Sana, Goesti sinéwaka, zangers menjanji lan kaoermatan swaraning mertjón, dal' del. Kondoripoen Sakramèn Maha Soetji ngrawoehi altaar pakèndelan, ingkang doemoeng saantawisipoen margi arak-arakan waoe. Teroes Goesti kondor dateng sekolahan (Grédja) malih; ± djam 11.

Toeroet (Consequens)?

C.-Odréeka njerat: Pamoelangan Seminarie ing Ngajodja, pamoelangan tjalon Pastoor — ingkang badé andjagi anggoelawentah gesang-kita-rohani —, tjalon pangoengsèn: dokter, goeroenging Soekma kita ingkang taksih badé gesang

langgeng poenika, pamoelangan ingkang: grijanipoen doemados saking dananipoen para tjang katholiek ing nagari Walandi, pamoelangan ingkang sadaja ragad-ragad lan bot répotipoen boten wonten ingkang kedjibah toemoet ngréntjangi njanggi-kedjawi-kita —, ing wiwitaning woelan Juli poenika nampi moerid énggal 13; dados sapoenika wonten: moerid 69 — Walandinipoen 14, ingkang 3 wonten ing Moentilan.

Sinten ta ingkang betah: Pastoor. poenika? kita. Jèn makaten rak sampoen samestiniipoen ta jèn kita damel . . .

Rak sampoen dados warganing Priesterfonds, ta? Wah . . . pitados koela . . . ! Saking agengipoen kapitadosan koela, koela boten gadah panginten, bilih wonten sad. R. K. ingkang . . . ingkang boten kersa dados warganing P. F.

KABAR OEMOEM
INDONESIA.

H. B. S.

Ing taoen poenika H.B.S.-gangsral taenan ing Indija (tjatjahipoen sekawan.) angedalaken laré tamat sinaoe 147 kalijan ingkang golongan literair-economische afdeeling tjatjahipoen 25. Dados goenggoeng kempal wonten 172.

A. M. S. Ngajogjakarta kalijan Weltevreden angedalaken laré 80, afdeeling B. ing Malang angedalaken laré: 26. Dados goenggoengipoen laré ingkang diplomanipoen kasamekaken kalijan H. B. S. wonten 106.

Tjatjahing laré ingkang bakda iksamen wekasan angladjengaken sinaoe, manawi katanding kalijan

Nederland, ing ngriki presenanipoen langkoeng katah, i.p. tikel kalihipoen. Ingkang katah-katah sami aneroesaken sinaoe dokter oetawi ingénieur.

Ing taoen '28 wonten opleiding kanggé ambtenaar Indija, nanging ingkang toemoet nglebeti iksamen namoeng wonten 24. Opleiding gezaghebbber wonten kalangan B.B. betah laré 7, nanging ingkang nglebeti namoeng laré 2.

Kanggé sakolah wonten Wage-ningen ingkang ing bédjingingipoen tjalon dados Ind. landmeter, Nagari ngersakaken laré kalih. Nanging ingkang nglebeti namoeng laré sa-toenggal. Mangka kanggé pasinaon poenika (kirang langkoeng tiga satengah taoen) pendak taoen Nagari tjalon maringi toelage f 1300.

Polikliniek Tjong Hoa.

Ing Semarang wonten pakempalan anama „Lang Tjhwang Tjong Hoa le Wan” oetawi kénging katjekak „Polikliniek Tjong Hoa.” Pakempalan waoe sampoen dipoenakeni adegipoen déning Nagari kaseboet wonten serat kakantjangan tanggal 16-6-'29, nomer 2x. tt. Pakempalan waoe toedjoenipoen: soeka pitoe-loengan lelahanan (oetawi menawi mawi rékening inggih pitoe-loengan prakawis kadokteran kanti lelahanan oetawi bajaran mirah sanget dateng ingkang boten gadah boten predoei bangsa poenapa oetawi agama poenapa.

Dokter Joesoef boten kanggep.

Tjarjosipoen J.B. poenggawa S.S. ing Betawi tampi dawoeh saking pangageng: manoe papriksanipoen B. G. D., certificaat saking dokter Joesoef boten wonten reginipoen. Mila menawi wonten poenggawa S.S. ing Betawi sakit, soepados neda certificaat dateng dokter sanès kémawon. („Hem, mesakaken!”

Pakempalan toekang.

Dèrèng dangoe moerid-moerid bangsa ngriki wedalan Ambachts-school Betawi, ngawontenaken komité badé ngedegaken pakempalan toekang. Mèh sadaja tilas moerid I. A. S. Betawi (kirang langkoeng kalih atoes) sami najogjani sanget. Margi poenika waoe bédjning tanggal 14 Agoestoes ing Gedong National Gang Kenari Weltevreden badé dipoenwonteni Openbare vergadering.

Toedjoenipoen pakempalan waoe: nggatosaken toewin damel pirantospirantos grija lss. sarta badé ngopados pawitan sarana baton kanggé ngedegaken padagangan dandoson kadjeng. (Inggih oeger boten katjokan aksi politik (mérak) kémawon! — Red.)

Siti-siti partikelir.

Katjarjos, wekdal poenika kantor Goepmèn saweg angrembag noembas wangsoel siti-siti partikelir, langkoeng-langkoeng siti ing Tandjoeng Oost Betawi; Bolang, Wangoeng, toewin Tjiliwoeng sami bawah Bogor; poenapa déné siti partikelir ing kampoeng Melajoe Betawi.

Ing taoen poenika oegi siti partikelir Tjiampea Kidoel Kilénipoen Bogor, badé kawangsoelaken dateng Goepmèn. Siti waoe djembaripoen 51.000 baow, djiwanipoen 113.000, sapérangan ageng kataneman pantoen, déné reginipoen kinten-kinten wonten 8 joeta roepijah.

Kala taoen kapengker, Nagari angedalaken arta 5 joeta kanggé noembasi wangsoel siti-siti partikelir. Déné taoen poenika, kanggé perloe poenika, dipoensoedijani arta 15 joeta roepijah.

Nagari anggénipoen noembasi wangsoel siti-siti partikelir waoe, wiwit kala taoen 1922. Wekdal sapoenika siti-siti partikelir ingkang

dipoentoembas wangsoel sampoen wonten sepalihipoen. Kinten-kinten bédjning sadasa taoen engkas siti-siti partikelir sampoen saged wangsoel dateng Goepmèn sadaja.

Onderwijs dagang.

Wonten ing Bat. Nwsbl. toewan J. Leewis dirèktoer openbare Avonds-handelsleergang ing Betawi, njerat ingkang soeraosipoen makaten:

Departement Onderwijs jasa koersoes dagang poenika waoe, perloe-nipoen soepados para moeda ingkang njamboet-damel wonten padagangan saged mewahi seserepanipoen. Ingkang mlebet mrikoek kedah anggadhahi diploma Mulo, oetawi H.B.S.-tigang taenan. Ingkang boten gadah diploma poenika kedah nglebeti iksamen roemijin. Wonten koersoes ngrikoe dipoenwoelangi: Boekhouden, Handelsrekenen, Handelscorrespondentie tjara Walandi kalijan Inggris, dangoenipoen tigang djam saminggoe. Sekolahanipoen wonten ing gedong P.H.S. Vrijmet-selaarweg, Weltevreden. Bajaran sakolah f 7,50 — f 10, mawi-mawi blandjanipoen moerid. Ing taoen poenika sampoen saged ngwontenaken eindexamen ingkang wekasan. Sinten ingkang badé mlebet mrikoek kénging neda katerangan dateng toewan J. Leewis Oud Gondangdia 39.

Examen.

T. S. Martosaken: Moerid ing Opleiding Premie Goeroe Doesoen Kentjong, kala tanggal 3 lan 4 Djoeli 1929, dipoenexamen. Ingkang niti priksa examenipoen pandjenenganipoen Schoolopziener ing Baloenglor lan Leideripoen, Kepala-Sekolah pamoelangan angka II.

Moeridipoen goenggoeng kempal wonten 8. Sadaja saged loeloes, sampsampoenipoen kadidik salebetipoen 1 taoen.